

Proyecto Ruta di Monumento Aruba realisa pa Fundacion Amigonan di Archivo y otro instancianan

ORANJESTAD - Pa algun tempo caba, Fundacion Amigonan di Archivo den coöperacion cu Archivo Nacional Aruba cu sosten tecnico di Stichting Zorg en Hoop di Hulanda, CEDE Aruba, Monumenten Bureau Aruba, Prins Bernhard Cultuurfonds

Antiyas Hulandes y Aruba, Vertegenwoordiging Nederlandse Overheid (VNO) y Stichting Zorg en Hoop (Hulanda), ta desaroya un Ruta di Monumento pa Aruba.

E PROYECTO TA PARTI DI
FASE

1e fase: desaroyo di



ruta (investigacion di e monumentonan/edificionan interesante, caya, distrito y estatuanan). Durante e prome fase, lo bin cu un plan pa wak e factibilidad di e ruta.

2e fase: implementacion di ruta. E informacion obteni di e prome fase lo wordo usa pa traha un mapa cu ruta y un buki di informacion pa nos localnan, scolnan y bishitantenan cu kier bishita e ruta y e monumentonan. Na e sitio lo bin cu borchinan

di indicacion.

3e fase: mantencion di ruta. Despues cu e ruta wordo implementa, mester tin un plan, pa mantene e ruta dor di instancianan local, cu ta percursa pa e bukinan keda disponibel, y cu e localidad y borchinan di informacion wordo bon manteni.

“

E prome fase di e Ruta di Monumento Aruba ta den su etapa final y a wordo financia dor di Binnenlandse Zaken. E desaroyo di e ruta a wordo conduci dor di sra. Drs. Olga van den Klooster y sr. Drs. Michel Bakker di Stichting Zorg en Hoop di Hulanda.

”

Den pasado Stichting Zorg en Hoop a skirbi e buki “Bouwen op de wind” den coöperacion cu Monumenten Bureau Aruba, UNOCA y otro instancianan local.


E Ruta di Monumento pa Aruba, ta pa por duna mas conocimiento y aprecio na e edificionan y sitioan cu tin un balor cultural y historico pa Aruba. Nos pueblo

lo tin un mapa di Aruba, na unda cu por bishita tur e sitioan aki y haya mas informacion di e parti historico di e edificio y of sitio. E guia lo consisti di 2 ruta, esta un ruta blauw y un ruta preto. E ruta blauw ta pa e publico general y pa nos bishitantenan. E ruta preto ta dura mas o menos ½ dia y lo tin monumentonan spectacular cu un storia pa e publico general.

E ruta preto ta mas dirigi ariba e muchanan di scol, pa nos localnan y pa bishitantenan cu ta hopi interesa, e ruta aki ta mas activo, mientras cu e ruta blauw ta mas pasivo.

E ruta preto no mester wordo caba den 1 dia, pero un bishitante por scohe parti di e ruta cu nan lo kier bishita individual of den grupo. Na tur e monumentonan/sitioan cu ta riba e ruta, lo tin un borchin pa e sitio ta reconocibel y na unda tin mas informacion. E ruta lo bini den un buki/mapa/guia na unda un bishitante por haya esaki pa sigui e ruta.

Despues cu e prome fase di e ruta termina, lo presenta esaki oficial y lo sigui cu e desaroyo di segundo fase. Di parti di e comision nos kier a gradici e partnernan di e proyecto y principalmente VNO y Binnenlandse Zaken pa e sosten financiero cu nos ricibi pa realisa fase 1 di e proyecto.



*FCCA ta invita bo cordialmente
pa ta presente na acto oficial
di alcance di e punto mas halto
di proyecto 50 cas na Palisiaweg*

*Fecha: 11 di juni 2009
Orario: Yegada 4.00 pm.
Comienso: 4:30 - 7:00 pm.
Lugar: Palisiaweg*

INVITACION

